



nr 19

Rogstaekers

Vastelaovendj Lidjesfestival

2011



Zânk: Carien en Ronald Moonen **Tekst:** Robert Janssen
Meziek: Ronald Moonen **Arranzjemênt:** Marlstone

Vae gaon mét vastelaovendj mèt z'n alle lekker oet,
 inne schoeênste kluuëre
 Vae duike good gemötsj en mét 'ne glimlach oppe snoêt,
 in dit fieëstgebuuëre
 D'n eine maaktj zich dan e prachtig pekske
 D'n ângere dae vong wat in e winkelrekske
 Ein dînk és te gek; vör ederein és plek!

Refrein

*Vae veere zi-j aan zi-j, vae veere same heej, en doon det lekker docht
 beejein.*

*Heej weurtj 'm good geraaktj en völ plezeer gemaaktj,
 doeër joonk en aod, doeër groeët en klein*

*Vae duike mét os alle in di-j vastelaovespracht,
 Vae laote alles knalle daåg en nacht.*

Vae veere zi-j aan zi-j, en veere same heej, 't és nog lange neet vörbeej

(Koeër: vae gaon nog neet nao hoês, nog lange neet, nog lange neet...)

't És haost neet te gluïve mer toch és 't zoeë det vae beej mekaar
 good passe. Vör alle veerders és d'r plaats, vör dich en di-j en dae
 en det és toch klasse.

Dus gaotj as kojboj, of as indiaantje,
 Verklej dich wi-j e bleümke: kom as afrikaantje.
 Ein dînk és te gek; vör ederein és plek !

Refrein

*As ich mich det bekiek, dan zeen ich dit:
 det echte vastelaovendj van binne zitj.*

Refrein

*Vae veere zi-j aan zi-j, en veere same heej,
 't és nog lange... neet.... vörbeej!*

Zânk: Franky Tuasuun **Tekst:** Irene Kunnen-Weerts
Meziek: Peter Baartmans **Arranzjemênt:** Marlstone

Refrein

*Minse lachtj, laotj dae schater huuëre
 Minse lachtj, Det deut de wereldj kluuëre
 Wachtj toch neet, gae vingtj waal e memênt
 Vör dae lach, gae veultj uch dan toch zoeë kontênt
 Gae kriegtj waat dejje haajtj verwachtj
 As dejje lachtj, as dejje lachtj, as dejje lachtj.*

De ein és gezatte, de ânger te klein
 Het hieët 'n scheif naas, en hae hieët krom bein
 Mer wi-jje d'r uut zeetj és neet van belang
 Det és toch allein mer eur eige behang
 Want eder gezicht, és wi-j e schoeën gedicht
 Asj doeër 'ne straolendje lach weurtj opgelichtj.

Refrein

Veuldje uch neet lekker en kiekdje wat pips,
 Wejje waat hölleptj, tieëge di-j dips
 Dinktj dan aan wat schoeëns,
 en zeetj good gemoodj
 Dan is dao dae lach weer en alles keumtj good
 Want eder gezicht, és wi-j e schoeën gedicht
 Asj doeër 'ne straolendje lach weurtj opgelichtj

Refrein

Dus laotj 's wat kieke, van oonger di-j naas,
 Bríngtj kluuër in 't laeve, wi-j bloome in 'n vaas.
 En lachtj noow nao emes, dae lachtj zieëker trök
 Dan hejje toch same 'n önske gelök

Refrein

Zânk: Joep Bouwels, Leon Tobben, Natasja Broens, Nicole Vaessen, Jos Stultiens jr **Tekst:** Jos Stultiens sr.

Meziek: Jos Stultiens jr. **Arranzjemênt:** Marlstone

Refrein

*As oeëze Rog 'nen hieëring woor, 'ne zoore, soonger vlumme,
dan koste vae , mét vastelaovendj, dae lekker laote zwumme.
Vae zinge same mét dae vés, umdet 't vastelaovendj és.
As oeëze Rog 'nen hieëring woor, 'ne zoore, soonger vlumme.
Dan koste vae, mét vastelaovendj, dae lekker laote zwumme.*

Mer asse oppe Mèrrentj stong,
woeë de Broeders vreuger woeëndje,
en hae zich dan e pilske droonk, dan smaakdje det nao oeëndje.
Ouch wi-j hae âl di-j gekke zoog, toen haje 't wul bekieëke,
zoeëj oeëze Rog de VUT in gaon, dan waasj vör Wieërt verkieëke.

Refrein

As hae verklédj de stad doeër leep, vanne stasie tot beej Bertje,
dan schödj hae hieël good gemoodj
van bliedschap mét zie stertje.
Dus blijftj neet wi-j 'ne loeëte staon, mer haadj in eur gedachte,
di-j drej daag di-j zeen zoeë vörbeej, dan mojjen e jäärke wachte.

Refrein

Asj ouch weer zoeë asgoonsdig és,
en gae hetj eur buuërs gewasse,
staoje dan smêrges naeve 't béd, eur wêrboks te passe,
As dekke suf nao oonger gaotj, dan mojje neet vergaete,
Gae kuntj toch saoves weer ewég, um hieëring te gaon aete!

Refrein



Zânk: Ton Wolter **Tekst:** Anita Haex
Meziek: Ronald Moonen **Arranzjemênt:** Marlstone

Refrein

*Ich weît van toête noch blaoze
Mer blaos d'r flink op los
Noow laotj di-j noeëte mer kaome
Ich blaos mich total loss
De pof van vuuërig jaor mot oet di-j toêt
Want dan vleege de toeëne d'r weer vanzellef oet
Ich weît van toête noch blaoze
Mer blaos d'r flink op los*

Mét vastelaovendj keumtj daen aoje tuba oet de kast
Ich poets 'm totte blinktj en pak det dînk 's lekker vast
Dan blaos ich d'r 's op mer woeë blijftj noow di-j toeën
Ich dînk d'r keumtj meziek oet, mer 't klîntj nog lang neet schoeën
Det haaj ich neet verwachtj
En és meschien waal te gemaekelik gedachtj

Refrein

Ich blaos inne kepèl en inne zate hermeni-j
Dao zét ich nog 's extra aan, ich bin vanne perti-j
En klînk 't waal 's vâls, dan létj dao mer neet op
As ich begin te blaoze stieët de zaal zoeë oppe kop
Ich blaos drej daag 'alaaf'
En as 't effe kân de stôkke d'r vanaaf
En al blaos ich in 't begîn nog neet zoeë vlot
Mét vastelaovendj weît ich wi-j ich blaoze mot

Rogstaekers Vastelaovendj Lidjesfestival 2011



1. Vae veere zi-j aan zi-j

2. Lachtj

3. As oeëze Rog'nen hieëring woor

4. Ich weît van toëte noch blaoze



Mertens



Aannemersbedrijf
Louis Scheepers
Roermond



WESSILMAN
Accountants, belastingadviseurs



hostellerie
MUNTEN
Hotel - Restaurant - Ietscafé



Rabobank



EXPEDITE



WEERT B.V.

